



XUNTA DE GALICIA

DELEGACION TERRITORIAL DE VIGO

Xefatura Territorial da Consellería do Mar
Servizo de Recursos Mariños

	
CONFRARÍA DE PESCADORES DE «SAN ANDRÉS DE LOURIZÁN»	
ENTRADA	SAIDA
N.º 257	N.º
Data 11 SET. 2019	Data

R/Concepción Arenal, 8, 4ª planta
36201 – Vigo
Tfno.: 986 817 128 Fax: 986 817 030

RESOLUCIÓN DO 10 DE SETEMBRO DE 2019 DA XEFATURA TERRITORIAL DA CONSELLERÍA DO MAR DE VIGO POLA QUE SE AUTORIZA O EMPREGO DA LISTA DE RESERVA XURDIDA DA RELACIÓN DEFINITIVA DE PERSOAS NON SELECCIONADAS E QUE NON FORON EXCLUÍDAS DO PROCESO SELECTIVO PARA TER ACCESO AO PERMISO DE EXPLOTACIÓN PARA MARISQUEO A PÉ NA CONFRARÍA DE LOURIZÁN

ANTECEDENTES

Primeiro. Pola Resolución do 12 de marzo de 2019, da xefa territorial da Consellería do Mar en Vigo, publícase a relación definitiva de aspirantes seleccionados e non seleccionados para o acceso ao permiso de explotación na modalidade de marisqueo a pé para o exercicio da actividade extractiva no ámbito territorial da confraría de pescadores de Lourizán. A lista de non seleccionados constitúe unha lista de reserva, que poderá ser empregada para cubrir as vacantes que se produzan durante o ano da súa vixencia.

Segundo. O día 31 de maio de 2019 a confraría de Lourizán solicita o emprego da lista de reserva para cubrir as vacantes existentes. Mediante Resolución do 12 de xuño de 2019 autorízase o emprego da lista de reserva e publícanse os nomes das nove (9) persoas seleccionadas para o outorgamento do permiso de explotación de marisqueo a pé na confraría de Lourizán.

Terceiro. O día 6 de setembro de 2019 a confraría de Lourizán solicita o emprego da lista de reserva para cubrir as vacantes existentes.

CONSIDERACIÓNS LEGAIS E TÉCNICAS

Primeiro. Esta Xefatura Territorial é o órgano competente para o outorgamento dos permisos de explotación de conformidade co establecido no Decreto 425/1993, do 17 de decembro, polo que se refunde a normativa vixente sobre o permiso de explotación para exercer a actividade pesqueira e marisqueira, modificado polo Decreto 114/2007, de 31 de maio e polo Decreto 48/2013, do 7 de marzo.





galicia

XUNTA DE GALICIA

DELEGACION TERRITORIAL DE VIGO

Xefatura Territorial da Consellería do Mar
Servizo de Recursos Mariños

R./Concepción Arenal, 8, 4ª planta
36201 – Vigo
Tfno.: 986 817 128 Fax: 986 817 030

Segundo. A Orde da Consellería do Mar do 15 de xullo de 2011 pola que se regula o permiso de explotación para o marisqueo a pé (DOG nº 144 de 28 de xullo de 2011) establece no seu artigo 7 a constitución dunha lista de reserva integrada pola relación definitiva de persoas non seleccionadas que non foron excluídas do procedemento selectivo, cunha vixencia dun (1) ano que se contará desde o día seguinte ao da publicación da resolución da xefatura territorial.

A confraría de pescadores ou entidade asociativa, de conformidade coa agrupación sectorial, de estar constituída, poderá solicitar á xefatura territorial correspondente o emprego da lista de reserva nos seguintes supostos:

- a) Cando se produzan vacantes durante o proceso de outorgamento.
- b) Cando se produzan vacantes durante a vixencia dos plans de xestión correspondentes.

A confraría solicita a cobertura de dúas (2) vacantes por causa de xubilación e falecemento.

Terceiro. Correspóndelle a esta Xefatura Territorial ditar esta resolución de acordo co disposto no Decreto 245/2009 do 30 de abril, polo que se regulan as delegacións territoriais da Xunta de Galicia.

Á vista do exposto, esta Xefatura Territorial, en virtude das competencias atribuídas,

RESOLVE:

Autorizar o emprego da lista de reserva e publicar os nomes das dúas (2) persoas seleccionadas para o outorgamento do permiso de explotación de marisqueo a pé na confraría de Lourizán:





galicia

XUNTA DE GALICIA

DELEGACION TERRITORIAL DE VIGO

Xefatura Territorial da Consellería do Mar
Servizo de Recursos Mariños

R./Concepción Arenal, 8, 4ª planta
36201 – Vigo

Tfno.: 986 817 128 Fax: 986 817 030

Apelidos e Nome

DNI

LORES GUIANCE, ANA

*****917K

PRADO GUIANCE, MARIA DEL CARMEN

*****785T

(*) Ocúltase parcialmente o número de documento nacional de identidade para preservar os datos de carácter persoal, de acordo coa Lei orgánica 15/1999, do 13 de decembro.

As persoas seleccionadas deberán acreditar no prazo de quince (15) días hábiles, que se contarán dende o día seguinte ao que se publique esta resolución, os requisitos para obter o permiso de explotación; de non facerse así neste prazo, entenderase que decaen do seu dereito. Deben presentar a seguinte documentación:

- a) Dúas fotografías co seu nome e DNI escrito por detrás.
- b) Informe médico que indique se a persoa ten algunha incapacidade que impida a realización das tarefas do marisqueo.
- c) As persoas perceptoras da renda de integración social de Galicia, deberán achegar un escrito de renuncia a ela para que se faga efectivo no momento da concesión do permiso de explotación.

No caso de non ter asinada a autorización da consulta: certificado que acredite que a persoa non é perceptora da renda de integración social de Galicia (RISGA).

d) No caso de non ter asinada a autorización da consulta: certificado da Seguridade Social que acredite que a persoa non é perceptora de pensións de xubilación, grande invalidez, incapacidade permanente absoluta, incapacidade permanente total, en favor de familiares.

e) No caso de non ter asinado a autorización para a consulta do certificado de mariscador no caso de que o posúan e non fose presentado coa solicitude: copia do





galicia

XUNTA DE GALICIA

DELEGACION TERRITORIAL DE VIGO

Xefatura Territorial da Consellería do Mar
Servizo de Recursos Mariños

R/ Concepción Arenal, 8, 4ª planta
36201 – Vigo
Tfno.: 986 817 128 Fax: 986 817 030

certificado de mariscador. Aquelas persoas que non o posúan, terán que realizar o curso a primeira vez que sexan convocados - salvo causa debidamente xustificada - pola Dirección xeral de Desenvolvemento Pesqueiro.

A documentación requirida deberá dirixirse á Xefatura Comarcal do Mar en Pontevedra.

As persoas que dentro do prazo fixado non presentasen a documentación ou do exame dela se deducise que carecen dalgún dos requisitos sinalados na base I.2. da convocatoria, entenderase que desisten da súa solicitude (*excepto o certificado de mariscador. Ver aptdo. d)*).

Neste caso, emitirase unha nova resolución modificando esta, na que se indicarán as persoas aspirantes seleccionadas pola desistencia das persoas que non presentaron a documentación ou carecen dos requisitos, outorgándolles un prazo de quince (15) días hábiles, que se contarán a partir do día seguinte ao da publicación da nova resolución, para que acheguen a documentación que figura na base III da convocatoria.

De conformidade co disposto nos artigos 121 e 122 da Lei 39/2015, do 1 de outubro, do Procedemento Administrativo Común das Administracións Públicas (BOE núm. 236, do 2 de outubro de 2015), contra esta resolución, que non esgota a vía administrativa, poderán interpor recurso de alzada ante a conselleira do Mar no prazo de un mes a contar dende o día seguinte ó da súa notificación.

Sonia Lorenzo Santos
Xefa territorial

Asinado por: LORENZO SANTOS, SONIA
Cargo: Consellería do Mar
Data e hora: 10/09/2019 12:01:38

CVE: CY06zaBrV2
Verificación: <https://sede.xunta.gal/cve>

